

pola súa incidencia nas bases e coordinación da planificación xeral da actividade económica, de acordo co artigo 149.1.13.^a da Constitución.

Disposición derradeira segunda. *Aplicación do disposto no punto 5 do artigo 25.*

A partir da entrada en vigor desta lei, o número 5 do artigo 25 do texto refundido da Lei de propiedade intelectual e a súa disposición adicional terceira serán de aplicación aos equipamentos, aparellos e soportes materiais de reprodución analóxicos.

Disposición derradeira terceira. *Desenvolvemento da lei.*

Autorízase o Goberno a ditar as normas para o desenvolvemento regulamentario desta lei.

Por tanto,

Mando a todos os españois, particulares e autoridades, que cumpran e fagan cumprir esta lei.

Madrid, 7 de xullo de 2006.

JUAN CARLOS R.

O presidente do Goberno,

JOSÉ LUIS RODRÍGUEZ ZAPATERO

12309 *LEI 24/2006, do 7 de xullo, sobre declaración do ano 2006 como Ano da Memoria Histórica.* («BOE» 162, do 8-7-2006.)

JUAN CARLOS I

REI DE ESPAÑA

Saiban todos os que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

Este ano 2006 cúmprese o 75.^o aniversario da proclamación da Segunda República Española e o 70.^o do comezo da guerra civil. O acordo aprobado por unanimidade na Comisión Constitucional do Congreso dos Deputados o 20 de novembro de 2002 subliñou o papel da Constitución española como instrumento de concordia e convivencia para o futuro.

A experiencia de máis de 25 anos de exercicio democrático permite hoxe abordar, de forma madura e aberta, a relación coa nosa memoria histórica, tendo en conta que recuperar a devandita memoria é a forma máis firme de asentar o noso futuro de convivencia. Hoxe resulta, así, oportuno lembrar e honrar os que se esforzaron por conseguir un réxime democrático en España, os que sufriron as consecuencias do conflito civil e os que loitaron contra a ditadura en defensa das liberdades e dereitos fundamentais de que hoxe desfrutamos.

No tempo transcorrido desde a recuperación das liberdades, tras corenta anos, ditáronse numerosas disposicións, tanto polo Estado como polas comunidades autónomas, dirixidas a reparar, na medida do posible, os que padeceron persecución durante o réxime franquista e a proporcionarlles recursos ou compensalos polo que perderon. Neste sentido, durante esta lexislatura aprobouse a lei pola que se reconece unha prestación económica aos cidadáns de orixe español desprazados ao estranxeiro, durante a súa minoría de idade, como consecuencia da guerra civil, e que desenvolveron a maior

parte da súa vida fóra do territorio nacional. Tamén se aprobou a Orde ministerial 3945/2005, do 16 de decembro, pola que se establecen subvencións a actividades relacionadas coas vítimas da guerra civil e do franquismo.

Para completar esta tarefa, as Cortes Xerais abordaron tamén o recoñecemento das vítimas da guerra civil e do franquismo. Un recoñecemento que foi demandado polo Congreso dos Deputados en numerosas ocasións, desde a restauración democrática, así como, con diversos graos de concreción, en varias resolucións, aprobadas polo Pleno da Cámara durante a presente lexislatura. En efecto, nos últimos meses as Cortes aprobaron o recoñecemento de determinadas figuras políticas relevantes da Segunda República (Lluís Companys, Manuel Carrasco i Formiguera, Alexandre Bóveda), e este proceso de reparación pronto se verá culminado coa aprobación dun proxecto de lei para a recuperación da memoria histórica por instancia da resolución aprobada polo Congreso dos Deputados do 8 de xuño de 2004.

No 75.^o aniversario da súa proclamación, esta lei pretende lembrar tamén o legado histórico da Segunda República Española. Aquela etapa da nosa historia constituíu o antecedente máis inmediato e a máis importante experiencia democrática que podemos contemplar ao mirar o noso pasado e, desde esa perspectiva, é necesario recordar, con todos os seus defectos e virtudes –con toda a súa complexidade e o seu trágico desenlace–, boa parte dos valores e principios políticos e sociais que presidiron ese período e que se fixeron realidade no noso actual Estado social e democrático de dereito, pero, sobre todo, as persoas, os homes e mulleres que defenderon eses valores e eses principios.

O esforzo de todos eles culminou na Constitución española de 1978, como instrumento de concordia e convivencia para o futuro, e que nos levou a desfrutar do período democrático máis estable da historia do noso país.

Por todo iso, esta lei declara o ano 2006 como Ano da Memoria Histórica para recoñecer e homenaxear a todos os que dunha ou doutra forma se esforzaron para conseguir un réxime democrático, dedicando a súa vida ou sufrindo persecución por este motivo, e a comprometer os poderes públicos na promoción de actos conmemorativos desta efeméride.

Artigo único.

1. Con motivo do 75.^o aniversario da proclamación da Segunda República en España, declárase o ano 2006 como Ano da Memoria Histórica, en homenaxe e recoñecemento de todos os homes e mulleres que foron vítimas da guerra civil, ou posteriormente da represión da ditadura franquista, pola súa defensa dos principios e valores democráticos, así como dos que, co seu esforzo a favor dos dereitos fundamentais, da defensa das liberdades públicas e da reconciliación entre os españois, fixeron posible o réxime democrático instaurado coa Constitución de 1978.

2. Os poderes públicos promoverán e apoiarán a celebración de actos conmemorativos que estimulen a reflexión sobre aqueles feitos e o recordo e recoñecemento do labor daquelas persoas, asociacións e institucións.

Disposición adicional primeira.

O Goberno, no prazo dun mes desde a aprobación desta lei, presentará ante a Comisión Constitucional do Congreso dos Deputados os informes elaborados pola Comisión Interministerial para o Estudo da Situación das

Vítimas da Guerra Civil e o Franquismo, constituída polo Real decreto 1891/2004, do 10 de setembro.

Disposición adicional segunda.

O Goberno, a través da Fábrica Nacional de Moeda e Timbre, promoverá a emisión de selos e signos de franqueo conmemorativos, para a elaboración dos cales se facilitará a participación da sociedade.

Disposición adicional terceira.

O Ministerio de Cultura, en colaboración coas comunidades autónomas, velará pola edición e incorporación ás bibliotecas da súa competencia de libros e vídeos pedagóxicos sobre a recuperación da memoria histórica da Segunda República, a represión da ditadura franquista e a loita polas liberdades. Garantírase a promoción de materiais realizados en todas as linguas oficiais do Estado.

Disposición derradeira.

Esta lei entrará en vigor o día seguinte ao da súa publicación no «Boletín Oficial del Estado».

Por tanto,
Mando a todos os españois, particulares e autoridades, que cumpran e fagan cumprir esta lei.

Madrid, 7 de xullo de 2006.

JUAN CARLOS R.

O presidente do Goberno,
JOSÉ LUIS RODRÍGUEZ ZAPATERO

MINISTERIO DE INDUSTRIA, TURISMO E COMERCIO

12312 *ORDE ITC/2193/2006, do 5 de xullo, pola que se modifica a Orde ITC/1201/2006, do 19 de abril, pola que se determina a forma de remisión de información ao Ministerio de Industria, Turismo e Comercio, sobre as actividades de subministración de produtos petrolíferos. («BOE» 162, do 8-7-2006.)*

O Real decreto 1554/2004, do 25 de xuño, polo que se desenvolve a estrutura orgánica básica do Ministerio de Industria, Turismo e Comercio, no seu artigo 1, asigne a este departamento ministerial a elaboración e execución da política enerxética do Goberno. Pola súa parte, o artigo 4 da Lei 50/1997, do 27 de novembro, do Goberno, atribúelles aos ministros o exercicio da potestade regulamentaria nas materias propias do seu departamento.

O 26 de abril de 2006 publicouse no «Boletín Oficial del Estado» a Orde do Ministerio de Industria, Turismo e Comercio ITC/1201/2006, do 19 de abril, pola que se determina a forma de remisión de información ao Ministerio de Industria, Turismo e Comercio, sobre as actividades de subministración de produtos petrolíferos.

Co obxecto de facilitar o cumprimento das obrigas incorporadas á devandita orde considérase conveniente ampliar o prazo de entrada en vigor en tres meses adicionais. Con igual finalidade modifícanse os puntos relativos

ao prazo para o envío da información periódica de prezos e a información acumulada correspondente ao ano 2005. Na súa virtude dispoño:

Artigo único. Modificación da Orde ITC/1201/2006, do 19 de abril, pola que se determina a forma de remisión de información ao Ministerio de Industria, Turismo e Comercio, sobre as actividades de subministración de produtos petrolíferos.

A Orde ITC/1201/2006, do 19 de abril, pola que se determina a forma de remisión de información ao Ministerio de Industria, Turismo e Comercio, sobre as actividades de subministración de produtos petrolíferos, queda modificada como segue:

Un. Modifícase o artigo 6.1, que queda redactado da seguinte maneira:

«1. A información a que fai referencia o artigo 5 remítase de acordo co formato do anexo I.1.1 todos os luns ou día hábil posterior no suposto de ser festivo e cando se produza un cambio, cunha anticipación máxima de 3 días respecto á data de aplicación dos novos prezos e, como mínimo, unha hora antes da súa aplicación efectiva.»

Dous. Modifícase a disposición adicional segunda, que queda redactada nos seguintes termos:

«Disposición adicional segunda. *Envío de información anual e mensual inicial.*

Antes de transcorreren 10 días desde a entrada en vigor desta orde, os suxeitos obrigados conforme o disposto no artigo 3 remitirán os datos anuais correspondentes ao ano 2005, así como os datos mensuais correspondentes aos meses de 2006 xa transcorridos, que se refiran só e exclusivamente a cantidades ou volumes de produtos vendidos, nos formatos especificados nos correspondentes anexos.»

Tres. Modifícase a disposición derradeira cuarta, que queda redactada do seguinte modo:

«Disposición derradeira cuarta. *Entrada en vigor.*

Esta orde entrará en vigor transcorridos seis meses desde a súa publicación no «Boletín Oficial del Estado».

Disposición derradeira única. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 5 de xullo de 2006.—O ministro de Industria, Turismo e Comercio, José Montilla Aguilera.

MINISTERIO DE AGRICULTURA, PESCA E ALIMENTACIÓN

12313 *ORDE APA/2194/2006, do 6 de xullo, pola que se establece o prazo de presentación das solicitudes de autorización de cesións temporais de cota láctea no período 2006/2007. («BOE» 162, do 8-7-2006.)*

O Real decreto 347/2003, do 21 de marzo, polo que se regula o sistema de xestión de cota láctea, é a norma pola